

# 1 Timoteo

## *Pablo Timoteore gojabeorũ*

<sup>1</sup> Yũhũ Pablu mãre Timoteore ire gojabeogu iiaa. Goãmũ marire peamegue wabonirãre taudigu ãhrimi. Jesucristo yare buhedoregu ãgu apidigu ãhraa yũhũ. Mari Pagũ Jesu mera ãgu dorediri dopa ãgu apidigu ãhraa. Jesu ta marire itamumi. Eropirã marire ãgu tauborore masirã irire mucubiri cohrea mari.

<sup>2</sup> Yũhũ mãre Jesucristo yare buhecũ peegu Jesure umupeonũgabũ. Eropigu mũhũ diaye ta yũ magũ iro dopa arĩgu ta ãhraa. Eropigu Goãmũ mari Pagũ mera, mari Opũ Jesucristo mera õadoreã mãre. Eropigu ãgu itamuri mera õaro arĩque mũhũ.

## *Pablo gũya buherire buhedorebiripũ*

<sup>3</sup> Sohõ arĩrasubure Macedonia yebague wagu mãre Efeso macague api tari wahgãbũ. Ero yujurãyeri gaji buherire gũya buherã arĩma. Iri buherire buhedorebiribure apibũ yũhũ mãre.

<sup>4</sup> Erã gũyarã erã gamero buhemaacãma. Erã acawererã iribojegue majarã erã arĩ bocarare eropa buheniguicãma. Iri buheri mera gajirãre dũyasocũ iima. Eropirã Goãmũ ãgu dorerare gajirãre icũ iibeama erã eropa buherã. “Goãmũ yũre itamugũcumi,” arĩ umupeorã ãgu dorerare iima. Eropigu erã gamero buhedorebiribure apibũ yũhũ mãre.

<sup>5</sup> Goãmũ õpa gahmemi. Ñeri dipuwaja mariri mera, õari guñari mera, diaye Jesucristore umupeori mera, gajirãre mari mahi umupeoburire gahmemi. Irire erã iiboro dopa apibũ mũre.

<sup>6</sup> Erã yujurãyeri i õari buheripũre cóãtuha gaji buheripũre gahmema daja. Eropirã iri buheripũre dũyaso gorowerema. Iri erã buheri erã game dũyasori duhpiburi árĩbeaa.

<sup>7</sup> Erã Moise dorerire masare buherã árĩdiaquererã ta erã basi ne õaro masibeama. Eropirã guhyadiaro mera buhequererã erã buherire ne masibeama erã.

<sup>8</sup> Moise dorerire diaye ta mari buhecũ õari doreri ãhraa. Irire mari õaro masia.

<sup>9</sup> Iri dorerire buherã ire masiro gahmea: Iri doreri õaro iirãre erãre buheburi árĩbeaa. Ñero iirãpũre erãre buheburi ãhraa. Ópa ta iirãre buheburi ãhraa: Dorerire tarinũgarãre, Goãmũre tarinũgarãre, ñeri dihtare iirãre, Goãmũre gamebirãre, ñero werenigui corerãre, erã pagũ sumarãre wejẽrãre, erã pago sã nomere wejẽrãre, gajirã masare wejẽrãre,

<sup>10</sup> nome mera ñero iirãre, ũama mera ñero iirã nomere, ũama seyaro ñero iirãre, nome seyaro árĩquererã ñero iirãre, masa porãre yaja duarãre, guyaricũrãre, Moise dorerire erãre buheburi ãhraa ii. Eropiro gajirã árĩpehrerãre õari buherire tarinũgarãre buheburi ãhraa Goãmũ ãgu doreri.

<sup>11</sup> Goãmũ õagũ ãgu õari buheri mera iri ñeri iirare cóãdoremi. Iri buheripũre yũre Goãmũ buhedoremi.

*Goãmũ ãgu marire mojomoro ãarire werepũ*

*Pablo*

<sup>12</sup> Eropa yu buhecã, Jesucristo mari Opu turarire İgu ogu itamumi. “Pablo ðaro buhegucumi yahare,” arı pepiñumi Jesu yure. Eropigu yure beyegugue ta İgure itamubure apimi yure. İgu eropa iicã “Õhaa,” arãa yuhu İgure.

<sup>13</sup> Iribojegue yu Jesucristore ñero werenigu-iquerecũ ta, İgu yarãre ñero iiquerecũ ta İgu yure beyemi. Eropigu İgure masinibigu İgu yarãre ñero iigu “Ñero iigu iica,” arı pepibirimuricarabu. Yu eropa masibiricũ İagu İgu mojomoro İami yure.

<sup>14</sup> Eropigu Goãmu mari Opu yure burigã mahigu ðaro iimi yure. Eropigu Jesucristore umupeocũ iimi İgu yure. Eropigu İgure masa sare mahicũ iimi yure.

<sup>15</sup> Yu gajirã tauro ñetariagu arıribu. Ñerã mari arıquerecũ ta Jesucristo mari ñerire cóãbu i yebaguere erami. Marire peamegue wabonirãre taubu erami. Iri diaye ta ahraa. İgu eropa arıgu arıicũ arıpehrerã irire masiporo.

<sup>16</sup> Ñetariagu yu arıquerecũ ta İgu yure mojomoro İami. Eropa mojomoro İagu Jesucristo guaro mariro, İgu yure ðaro iirare masicũ iigu iimi. Puhru İgure umupeomorã erã sã İgu ðaro mojomoro İaburire erã masiboro dopa ðaro iimi yure. İgure eropa umupeorã arıpehrerinari umaroguere eropa ðaro arıinigucãrãcoma.

<sup>17</sup> Goãmu arıpehrerinari masa tauro opu ahrimi. İgu ne siribeami. Mari mera İgu arıquerecũ ta İgure İabeaa mari. Eropigu İgu

dihta Goãmũ gohra ährimi. Eropirã “Diaye ta õagũ, turagũ ährimi ïgũ,” arĩrã ïgũre. Æmuri nũcũ ïgũre umupeorã. Eropa ta iirã.

<sup>18</sup> Timoteo yũ magũ iro dopa ta ähraa mũhũ. Eropigũ dohpaguere ire mũre dorea. Jesu yarã Goãmũ ya weremũhtarã erã mũre werediro dopa ta mũre dorea. Cristo yare õaro werenigu-ique. Eropigũ ñero tariqueregũ ta ïgũre umupeo duhubiricãque mũhũ.

<sup>19</sup> Jesure eropa umupeoniguicãque. Ñeri dipuwaja mariro árĩque. Eropigũ õari dihtare iique. Yujurãyeri irire iibirã Jesu yare erã cohãma. Eropa cóãrã ïgũre umupeo duhucãma.

<sup>20</sup> Eropa ta iama Himeneo, Alejandro mera. Eropigũ “Watĩ ïgũ gamero erãre iiporo,” arĩgũ eropa apicãbũ erãre Goãmũre erã ñero wereniguinemobiriboro dopa.

## 2

### *Goãmũre serëbasarire werepũ Pablo*

<sup>1</sup> Dohpaguere õpa arĩ doremũhtaa mũare: Árĩpehrerã ya árĩburire Goãmũre serëbasaque. Eropa serërã “Õhaa,” arĩque Goãmũre.

<sup>2</sup> Oparã, gajirã masa tauro dorerã sãre, erã õaro doreburire Goãmũre serëbasaque erãre mari õaro árĩricũ árĩboro dopa. Eropirã game-queãro mariro ñeri marirã Goãmũre umupeorã mari õaro árĩboro dopa erãre serëbasaque.

<sup>3-4</sup> Eropa ta gajirã ya árĩburi sãre mari Goãmũre serëbasacũ õapũricãa. Irire mari iicũ ïagũ Goãmũ marire taubupũ marire õaro ïhasũami. Árĩpehrerã masa peamegue

wabonirãre ïgu taumorã dihta árĩcũ gahmemi Goãmũ. Eropigu õari buherire diaye majare erã masicũ gahmemi ïgu. Eropigu gajirã ya árĩburire mari ïgure serẽbasacũ mucubirimi Goãmũ.

<sup>5</sup> Yujugu ta àhrimi Goãmũ. Eropigu Goãmũ mera mari õaro árĩcũ amubasagu yujugu ta àhrimi. ïgu àhrimi Jesucristo. Jesucristo sã masu ta àhrimi.

<sup>6</sup> Eropigu árĩpehrerã erã ñeri iira dipuwajare wajayebasadigu árĩmi ïgu crusague sĩridigu. Eropigu Goãmũ ïgu queorasubu masare ire masicũ iimi.

<sup>7</sup> Masa masicũ iibure ïgu yare werebure irire Goãmũ yure apimi. Eropigu judio masa árĩbirãre Jesure umupeoburire õari buherire buhebure beyemi yure. Diaye ta mure weregu iiaa yũhũ. Guyabeaa.

<sup>8</sup> Árĩpehrero majarãpu Goãmũ yare õaro iirã Goãmũre erã serẽcũ gahmea. Eropa Goãmũre serẽrã erã guaro mariro, game dũyasoro mariro erã árĩcũ gahmea.

<sup>9-10</sup> Nomezũre Jesu yarã erã õaro árĩricũre iicũ gahmea. Eropirã queoro erã ejatuharo suhri sañarã árĩporo. Eropirã gajiropa bejari poaricũ “Yũhũ õago àhraa,” arĩ ïhmubiricãporo. Eropirã õari dari oro dari waja pagari bũyarire, õari suhri waja pagari suhri sañarire guñabiricãporo. Eropirã õaro erã iira mera, erã õarã nome Jesu yarã nome erã árĩrĩre ii ïhmuporo.

<sup>11</sup> Ejarimariro umupeori mera peerã õari buherire peeporo erã nome.

12-14 Eropirã nome mũa gamenererogue umare buhebiricãporo. Eropirã umare dorebiricãporo. Erã nomepũ ejarimarirã nome árĩporo. Goãmũ Adánre ñhacũnugumũhtañumi. Ĩgũ pũhrũ Evare ñhacũnuguñumi. Eropigũ watĩ ĩgũ gũyacũ peedigũ Adán árĩbiriñumi. Ĩgũ gũyacũ peed-igopũ Eva árĩñumo. Eropa ĩgũ gũyacũ peego Goãmũre tarinũgago wañumo igo. Eropirã nomepũ umare dorebiricãporo.

15 Nomeo árĩmũhtadigo igo tarinũgaquerecũ ta nome erã porãre õaro opacũ ĩagũ erãre Goãmũ peamegue wabonirãre taugũcumi. Eropirã nomepũ Goãmũre erã umupeoniguicãcũ, Goãmũ erãre itamugũcumi. Eropigũ masare Goãmũ sãre erã mahiniguicũ pee masirã nome erã árĩniguicũ Goãmũ itamugũcumi erãre.

### 3

*Jesu yarã tauro oparã erã iiburire werepũ Pablo*

<sup>1</sup> Jesu yarã doregũ árĩdiagu õarire iidiagu ãhrimi ĩgũ. Iri diaye ta ãhraa. Eropigũ Jesu yarã doregũre apigũ õpa árĩgũpũre beyeque.

<sup>2</sup> Dipuwaja marigure beyeque. Eropirã gajirã ĩgũre weresã masiya mara. Eropigũ yujugore ta marapocũgũ árĩgũre beyeque. Eropigũ õaro pee masigure, gũhyadiagũre, masare õaro mera ĩgũ wihire ñajaridoregũre, gajirãre õaro buhemeregũre beyeque mũa.

<sup>3</sup> Eropa beyegũ ne merebigũre, gamequeãbigũre, masare õaro iigure, game ðuyasobigure, niyerure gamebigũre beyeque.

<sup>4</sup> Īḡu porāre ĭḡu marapo sāre ĭḡure umupeori mera erā yāhrirā árīcū ĭḡure beyeque Jesu yarāre dorebure.

<sup>5</sup> Īḡu porāre ĭḡu marapo sāre ōaro yāhrīcū ĭimasibīḡu árīḡu Goāmū yarā sāre ōaro yāhrīcū ĭimasibiribocumi.

<sup>6</sup> Jesu yarā opū árībure beyegū ne Jesu yagū űajagure beyebita. Ne űajagure beyecū ĭḡu “Jesu yarāre tauro āhraa yūhū,” arī pepibocumi. Īḡu eropa arī pepicū Goāmū ĭḡure dipuwaja moadorebocumi watīre ĭḡu iidiro dopa ta. Watī Goāmū tauro árīdiari waja Goāmū ĭḡure dipuwaja moapū. Eropīḡu ne Jesure umupeogū árīḡure beyebita.

<sup>7</sup> Jesu yarā doreḡure beyegū Jesu yarā árībirā “Ōagū āhrimi,” erā arīḡu dihtare beyeque erā ĭḡure werewūabiriborore. Ōaro ĭḡu ĭḡu árībirīcū ĭarā gajirā ĭḡure werewūabocoma. Eropīḡu ĭḡu watī gamero dopa ta ĭḡu árībocumi.

*Jesu yarāre itamurā díaconoare erā ĭiburire werepū Pablo*

<sup>8</sup> Eropirā Jesu yarāre itamurāpūre beyerā ōarā árīrā sāre beyeque. Erā ḡuhyadiaro árīrāre, ōaro diaye ta werenīḡurāre, merebirāre, niyerure gamebirāre beyeque mūhū.

<sup>9</sup> Eropa ta Jesucristore ōaro umupeorā “Goāmū yare ōaro diaye ta āhraa,” arīrā árīrāre beyeque.

<sup>10</sup> Eropirā Jesu yarāre itamurā árīdiarāre erā ĭirare ĭamūhtaque mūa. Mūa eropa ĭara pūhrū erāpū dipuwaja marirā árīrā Jesu yarāre itamurā űajaporo erā.

<sup>11</sup> Eropirã erã marasã nomepũ õpa árĩporo: Pee masirã nome, ñeri quere iibirã nome, gũhyadiarã nome árĩporo erã nome sã. Eropirã árĩpehreri õarire iiniguirã nome árĩporo erã nome.

<sup>12</sup> Eropirã Jesu yarãre itamurãre beyerã yu-jurãyeri nome ta marapocurã árĩrãre beyeque. Erã porãre gajirã erã ya wihi majarã sãre õaro ãhadiburã árĩrãre beyeque.

<sup>13</sup> Mũ eropa beyenirã Jesu yarãre õaro erã itamucũ gajirã erãre õaro ãhasũarãcoma. Eropirã õari buherire, Jesucristore erã umupeoburi sãre gũiro mariro buherãcoma erã.

### *Goãmũ ya buherire werepũ Pablo*

<sup>14-15</sup> Dohpaguere mũ pohrogue wadiagũ iiraa. Eropa wadiaqueregũ dohpaguere wanibigũ ipũ mera mũre were gojabeogũ iiaa. Jesu yarã gamenererã watope mũa dohpa iiborore mũre were gojabeogũ iiaa, “Dohparagãre wabiriboca,” arĩgũ. Jesu yarã Goãmũ ojocarigũ yarã ãhřima. Ĩgũ yarã diaye árĩri buherire Goãmũ ya buherire õaro opama. Eropa oparã irire buheniguima.

<sup>16</sup> I diaye ãhřaa. Marire Goãmũ ĩgũ buhera mari õaro iiburi buheri ãhřaa. Goãmũ iri buherire marire masicũ iimi. Iribojegue mari masibirira mũra õatariari buheri ãhřaa. I buheri õpa ãhřaa:

Ĩgũ Cristo mari dũpũ iro dopa ta dũpũcũgũ masa dehyoadigũ árĩmi. Őagũ ñeri marigũ ĩgũ árĩcũ ĩhmudi árĩmi Espĩritu Santopũ. Anyua sã ĩgũre ãanirã árĩma. Eropirã



gũa ĩgũ buhedore apinirã gaji yeba majarãre ĩgũ yare buhebũ. Eropirã i yebare masa bajarã ĩgũre umupeoama. Pũhrũ umarogue Goãmũ aĩadi árĩmi ĩgũre. Iri ta aħraa õari buheri.

## 4

### *Õari buherire cóãrãcoma arĩ werepũ Pablo Timoteore*

<sup>1</sup> Espĩritu Santo ire õaro weremi: Pehrerinũ coregã yujurãyeri masa Jesu ya buherire cóãrãcoma. Eropirã gũyari buheripũre watĩ yare buherãpũre peenũrũrãcoma erã.

<sup>2</sup> Iri buherire buherã gũyaniguirã wererãcoma masare. Erã gũyaniguirãpũ “Gũa tamerare dipuwaja mara,” arĩ pepirã arĩrãcoma. Erã ñero iirapũre ne guñasome.

<sup>3</sup> Õpa arĩ buherãcoma erã: “Mara-pocũbircãque. I barire babircãque,” arĩ buherãcoma erã. Erã eropa badorebiriqerecũ ta Goãmũ barire ĩhacũnugudi árĩmi mari baburire apigũ. Mari Cristore umupeorã arĩcũ õari buherire mari masirã arĩcũ, mari ya arĩburire õarire iri barire apipũ ĩgũ. Iri barire oparã ĩgũre “Õhaa,” mari arĩcũ gahmemi ĩgũ.

<sup>4</sup> Árĩpehreri Goãmũ ĩgũ ĩhacũnugura õari aħraa. Eropirã ĩgũ ĩhacũnugurare barire aĩrã. Goãmũre “Õhaa,” arĩrã, “Irire basome,” arĩbircãro gahmea. Iri barire basũaro gahmea marire. Eropirã “Irire babircãque,” gajirã erã arĩcũ peebircãque erãre.

<sup>5</sup> Īḡu ĩhacũnugura iri ðari árĩcũ weretuhapũ Goãmũ. Eropirã ĩḡure “Õhaa,” mari arĩra pũhrũ “Iri bari ðari bari āhraa,” arĩ baro gahmea marire.

*Jesu pohro majagu ðagure wereru Pablo Timoteore*

<sup>6</sup> I yũ wererare diaye majare Jesu yarãre buhegu Jesucristo pohro majagu ðagu āhraa mũhũ. Eropa buhegu ðari buherire peenũrugũ árĩḡuca. Õaro mũ peerare peenũrũ masipehogũ árĩḡuca mũhũ.

<sup>7</sup> Eropigu eropa erã arĩ bocarare, Goãmũ ya maja árĩbirirare peebiricãque. Eropigu Goãmũ gameri dihtare iiniguicãgu árĩque mũhũ.

<sup>8</sup> Mũ mohmepocũ ðañaria. Mũ mohmepodiro tauro Goãmũ gamerire mũ iipocũ ðataria mũre. Goãmũ gamerire iipogu dohpaguere ðaro āhraa mũhũ. Eropigu mũ sĩrira pũhrũgue sãre masa mũriagu ðaro árĩḡuca mũhũ. Eropigu Goãmũ gamerire iiniguicãque.

<sup>9</sup> Iri diaye ta āhraa. Árĩpehrerã irire yũ arĩrare masirã, “Diaye ta āhraa,” arĩro gahmea erãre.

<sup>10</sup> Eropigu árĩpehrerã yũ arĩrare masirã “Diaye ta āhraa,” erã arĩburire Goãmũ gahmemi. Eropirã erã eropa iiburire mari turaro mohmea. Eropirã ñero taria mari gajirã marire ñero erã iicũ. Goãmũ ojocarigu árĩpehrerãre peamegue wabonirãre taugu āhrimi. Īḡure umupeorã tamereare ĩḡu taumi. Goãmũ marire ðaro iiburire masirã ĩḡure mucubirirã iiaa. Eropa mucubirirã

Goãmũ gameripũre masa iiburire bũrigã buhe mohmea mari.

<sup>11</sup> Iri árĩpehreri yũ arĩrare doreque Jesu yarãre. Eropigũ irire buheque mũhũ.

<sup>12</sup> Mamũ mũ árĩcũ ãarã gajirã Jesu yarã mũre peediabiribocoma. Erã mũre peeboro dopa õpa ii ãhmuque erãre: Masare mahique. Eropigũ Jesure umupeoturaniguicãque. Eropa árĩgũ dipuwaja marigũ árĩque. Mamũ árĩqueregũ ta mũ irire iicũ ãarã mũre peerãcoma erã. Eropirã mũ wereniguirire peerã, mũ iirare ãarã mũre ãhacũrãcoma.

<sup>13</sup> Eropigũ mũ pohroque yũ ejaboro core õpa ii õaro mohmeyuque. Jesu yarã gamenererãre Goãmũ yare gojarapũre buhe ãhmuque erãre. Eropigũ erãre irire buhetuha werenemoque daja. Eropigũ erãre õaro masinemocũ iique.

<sup>14</sup> Ero core Jesu yarã oparã Goãmũ dorecũ erãpũ mũ weca erã mojotorire duhpeoma. Erã mũre eropa duhpeocũ Goãmũ ãgũ turarire odi árĩmi mũre. Eropigũ Goãmũ ya árĩburire mũ mohmemasiburire apidigũ árĩmi mũre Goãmũ. ãgũ mũre eropa mohmemasiburire apirare cãdijibita.

<sup>15</sup> Yũ eropa wererare guña eropa iiniguicãque mũhũ. Mũ eropiira pũhrũ õarire mũ iinemocũ árĩpehrerã ãarãcoma.

<sup>16</sup> Mũpũ õaro iique. Eropigũ õaro buheque mũhũ gajiropa buheri arĩgũ. Mũhũ eropiigũ ãgũ taudigũ árĩgũ Goãmũ mera árĩniguicãgũca. Eropirã mũre penirã sã ãgũ taunirã árĩrã Goãmũ pohro árĩrãcoma.

## 5

*“Jesu yarãre õpa iique mũhũ,” arĩpũ Pablo Timoteore*

<sup>1</sup> Ne bũgũre turibiricãque. Mũ pagũre mũ õaro iidiro dopa ta, bũgũ sãre õaro mera wereque. Eropigũ mũ pagũ porãre mũ õaro iidiro dopa ta, mamarã sãre õaro umupeori mera erãre wereque.

<sup>2</sup> Eropigũ mũ pagore mũ õaro iidiro dopa ta mũrã nome sãre õaro umupeori mera wereque. Eropigũ mũ pagũ porã nomere mũ õaro iidiro dopa ta, nóme sãre ñero ƣaribejaro mariro õaro umupeori mera wereque erãre.

<sup>3</sup> Eropigũ wapeweyarã nomere diaye ta mojomorocũrã nomere umupeori mera itamuque erã nome sãre.

<sup>4</sup> Wapeweyo porãcũgo igo árĩcũ pãramerãcũgo igo árĩcũ sãre, erãpũ igore itamuporo erã masura waja. Eropa itamurã Goãmũ masare erã acawererãre ĩgũ itamudoreldiro dopa ta iirã iima erã. Erã eropiicũ ĩagũ õaro Goãmũ mucubirimi.

<sup>5</sup> Mojomorocũgo wapeweyo acawererã moogo árĩgo, Goãmũ igore itamuburire cohremo igoa. Eropigo ñamiri nũcũ, ƣmũri nũcũ igo Goãmũre eropa serẽniguicãmo.

<sup>6</sup> Gajigopũ wapeweyo árĩgo eropa iimaacãgo árĩgo ojocarigo árĩquerego igo sĩporã dederebo sĩridigo iro dopa ta iimo.

<sup>7</sup> Eropigũ i árĩpehreri yũ werera wapeweyo itamuburire Jesu yarãre iidoreque mũhũ. Õpa

wereque erãre õari dihtare erã iiburire gajirã erãre werewuabiriburire.

<sup>8</sup> Eropigũ yujugũ ãgu acawererãre ãhadibubigũ, ãgu porã erã pago sãre õaro ãhadibubigũ “Jesu yagũ ãhraa,” arãmasibeami. Goãmu dorediro dopa iibeami. Eropigũ Goãmu ya buherire yuhribigũ ãhrimi. Jesure gamebirã tauro ñetariagũ ãhrimi ãgũpũ.

<sup>9</sup> Wapeweyarã nome mua itamumorã árĩcũ erã waĩre gojaturãca. Mua eropa gojaturã õpa árĩrãre erã waĩre gojatuque. Sesenta bojori ejabigo igo waĩre gojatubiricãque. Eropirã wapeweyo yujugũ ta marapucudigore gojatuque.

<sup>10</sup> “Igo õarire iigo ãhrimo,” masa erã arĩgore gojatuque. Eropirã igo porãre õaro masugo árĩdigore gojatuque. Eropirã igo ya wihire gajirãre õaro mera ñajaridoregore gojatuque. Eropirã pohro majago iro dopa Jesu yarãre itamugore ñero tarirãre itamugore, árĩpehrerãre mojomoro ãagore, õari dihtare iidiagore gojatuque. Eropa árĩrãre ãagũ iripũ ta erã waĩre gojatuque mua erã mua itamumorã árĩborore.

<sup>11</sup> Wapeweyarã nóme, nómeñari erã árĩcũ erã waĩre gojatubiricãque erã Jesu yarãre itamumorãre. Pũhrũ erã waĩre mua gojatura pũhrũ erã gamero iidiarã Cristo yare duhu, dipaturi mojoto diribocoma.

<sup>12</sup> Eropirã erã mojoto dirirã Cristore “Mu yarãre itamugora,” erã arĩdirore iibiribocoma. Erã eropa iibirira dipuwaja dipuwajacurãcoma.

<sup>13</sup> Erã nómeñari eropa itamurã árĩrã tericurã nome wahama. Eropirã wirigue ñajacurirã ñeri

querere werenigui curima. Erã weredorebiri-rare werema erã nome.

<sup>14</sup> Eropirã erã Jesu yarãre itamumorã ñajabiricãporo. Eropigũ erã õpa iicũ gahmea yũhũ: Wapeweyarã nome, nómeñari árĩrã mojoto diriporo daja. Eropirã erã porãcũporo. Eropirã erã ya wihi majare õaro ñhadibuporo. Erã nome wapeweyarã nome eropa ta iicũ marire Jesu yarãre ñhaturirã “Ñerire iirã iima,” arĩmasibeama marire.

<sup>15</sup> Dohpague tamerare yujurãyeri nome wapeweyarã nome Cristo yare duhu watĩ gameripũre iinũgatuhama. Eropigũ õpa werea mũre.

<sup>16</sup> Jesu yarã erã acawerego wapeweyo igo árĩcũ erã igo acawererãpũ igore itamuporo. Gajirã Jesu yarãpũre igore itamudorebircãporo. Eropirã erã Jesu yarã igore acawererã opagore itamubirã, gajirã nome wapeweyarã nomepũre itamumasima.

<sup>17</sup> Jesu yarã oparãre erã mohmerire erã õaro iicũ ñarã umupeoque erãre. Eropirã õaro wajayeque. Yujurãyeri mũa mera majarã Goãmũ yare wererã mũare buherã sã ãhrima. Erã tamerare tauro umupeo wajayeque.

<sup>18</sup> Goãmũ yare erã gojarapũgue mohmegure mũa wajayeborore õpa werea: “Wecũ trigo yerire cãhratĩacũ ñgũ disirore cãhmotabircãque. Ñgũ gamero baporo,” arĩ gojañorã. Eropiro gajipũ õpa arãa: “Mohmegure ñgũ mohmeri wajare oro gahmea,” arãa Goãmũ yare erã gojarapũgue. Goãmũ ya gojarapũ eropa arĩcũ peerã oparãre õaro

umupeoque mũa. Eropirã õaro wajayeque erãre.

<sup>19</sup> Jesu yarã mera majagu opure yujugu ta ãgure weresãcũ peebiricãque. “Opũ ãgu õpa ñeri iirare ãabu,” perã o ãrerã arĩ weresãra pũhrũ peeque.

<sup>20</sup> Eropa peerã ãgu ñero iira árĩcũ ãatuhaja Jesu yarã gamenererogue turique ãgure, gajirã ãgure ãha masi güiporo arĩrã.

<sup>21</sup> Eropigu Goãmũ Jesucristo ãgu beyerã anyua erã ãhabeoro ire dorea mũre. Dohpague yũ mũre dorerare ipehoque. Eropa iigu gajigure gajiropa, gajigu sãre gajiropa iibiricãque. Yujuropa ta iique árĩpehrerãre Jesu yarãre.

<sup>22</sup> Gajirãre Goãmũ mohmerire mũ beyemorãre erã weca mũ mojotorire duhpeoboro core õaro ãaque mũhu ãha masiri mera yojaro mariro. Ñerire iirã árĩbocoma. Eropigu mũ erãre beyera pũhrũ erã ñerire iicũ erã ñeri iira dipuwaja opagũca mũ sã. Eropigu erãre beyeboro core erã árĩricũre õaro masique. Eropigu árĩpehreri ñeri mariro árĩque mũhu.

<sup>23</sup> Bajasuburi paru pũrisũgu ãhraa mũhu. Eropigu dohpaguere deco dihtare ihrigũ árĩgu, merogã vino sãre ihrique mũhu ococũgu.

<sup>24</sup> Yujurãyeri erã ñerire iicũ mari ãhaa. Eropirã Goãmũ erãre dipuwaja moaborore masia mari. Gajirãpure erã ñeri iirare mari ãha masibea. Pũhrũ erã ñeri iirare masirãca Goãmũ dipuwaja moarinũ árĩcũ.

<sup>25</sup> Eropa ta yujurãyeri õarire erã iirare masia mari. Gajirã erã õarire erã iirare dohpaguere masibiriquererã ta pũhrũ masirãca mari. Mari

ĩabirirare árĩpehrerã erã iirare pũhrũ iri de-  
hyoacũ ĩarãca.

## 6

<sup>1</sup> Pohro majarã Jesu yarãpũ erã oparãre  
õaro umupeoporo. Erã eropa umupeocũ ĩarã  
gajirã Goãmũre mari arĩ buheri sãre ñero  
werewũamasibeama.

<sup>2</sup> Erã oparã Jesu yarã árĩcũ ĩarã erã  
pohro majarãpũ gũa oparã sã Jesu yarã ta  
ãhrima. Eropirã “Erãre umupeobiricũ õaroca,”  
arĩbocoma. Eropa iibiricãro gahmea. Erã oparã  
Jesu yarã árĩrã erã mahirã yujugũ porã iro dopa  
ãhrima. Eropirã erã tamerare turaro itamuporo.

*Goãmũre umupeori sãre, õaro árĩri sãre  
wewepũ Pablo*

<sup>3</sup> I yũ wererare buheque. Eropigũ ire doreque.  
Gajiropa árĩrire gũyarire buherã mari Opũ Jesu-  
cristo ya buherire umupeobeama. Erã Goãmũre  
umupeori buherire gamebirã õpa iirã ãhrima.

<sup>4</sup> “Masipehogũ ãhraa,” arĩquererã ta diaye  
majare ne masibeama. Eropirã pee masibirã iro  
dopa ta turaro game dũyasodiama erã. Eropirã  
Goãmũ yare arĩmaacãa dũyatorã ãhrima. Eropa  
dũyatorã, game ĩhaturirã wahama. Eropirã  
gajirãre ñero quere moamasibiriquererã masare  
ñero arĩ pepima erã.

<sup>5</sup> Eropirã erã ñeri dihtare pepiniguirã, diaye  
árĩrire ne masibirã eropa dũyasoniguicãma.  
Eropirã “Goãmũ yare buherã niyerure wa-  
jatarãca,” arĩ pepirima. Erã eropa árĩrãre  
wapicũbiricãro gahmea.



<sup>6</sup> Mari ya mari opari mera mucubirirã Goãmũre umupeorã diaye ta wajatarã ta iiaa.

<sup>7</sup> I yebaguere masa dehyoarã ne gajinore aĩgãribiribũ mari. Eropirã mari sĩrirã warã ne gajinore aĩgãmasibea mari daja. Eropirã mũa opari mera dihta mucubirique.

<sup>8</sup> Eropirã mari barire, mari suhri sãre oparã, gajire gamenemobiricãrã. Iri nũcũ mera ta mucubiricãrã mari.

<sup>9</sup> Niyerure gamerã doberi wũaro oparã árĩdiarã watĩ ñerire ĩgũ iidorerire árĩpehleri ñerire iirã árĩbocoma. Eropirã erã bajasuburi pee masibirã iro dopa ta gajinore gametarirã, ñeri Ɂaribejari duhubirã, erã basi ta ñero tarima. Eropa dedererã wacãrã iima.

<sup>10</sup> Niyerure gametarirã árĩpehleri ñerire iinũgama masa. Yujurãyeri niyerure gametarirã, Jesure umupeo duhura pũhrũ bajasuburi erã ñero iira waja turaro bũjowerema erã. Eropirã mari opariñepẽ ta mucubiro gahmea marire.

*Goãmũ ya árĩburire iiboro dopa ñerire tarinũgaque, arĩ gojañumi Pablo*

<sup>11</sup> Mũ tamera Goãmũ yagũ ta ãhraa. Eropigũ i ñerire iibiricãro gahmea. Eropigũ ðaripũre gameque. Goãmũ yare iique. Eropa iigũ Jesure “Diaye iigũ ãhrimi,” arĩ umupeoque. Eropigũ gajirãre mahique. Ñero tariqueregũ ta bocatĩuque. Nijiyajagũ árĩque masa mera. Eropigũ gajirãre tarinũgadiagũ árĩbiricãque.

<sup>12</sup> ĩgũ mera árĩpehlerinũri mũ ðaro árĩniguicãburire Goãmũ beyemi mũre. Eropigũ

Jesucristore mũ umupeorire bajarã masare ðaro werebũ mũhũ. Eropigũ ñero tariqueregũ ta ãgũre umupeo ãgũ yare duhubita mũmarogue ãgũ mera eropa mũ árniguicãboro dopa.

13 Goãmũ árnpehrerãre árnpehrerire árnũ iigũ áhrimi. Jesucristopũ Poncio Pilatore Goãmũ yare ðaro werepũ. Eropigũ Goãmũ Jesucristo sã erã ñhabeoro ire mũre iidoregũra:

14 Mũre Goãmũ ãgũ dorerare iipehocãque. Jesucristo ãgũ dujariboro core ñeri mariro, dipuwaja mariro ãgũ dorero dopa ta iiniguicãque.

15 ãgũ queoranũ árnũ Goãmũ Cristore dujaricũ iigũcumĩ. Goãmupũ ðagũ ãgũ dihta masare doregũ áhrimi. Eropigũ árnpehrerã gajirã oparã erã tauro opũ árnũ áhrimi.

16 Eropigũ ãgũ dihta ne sñribigũ áhrimi. ãgũ gosesiriri mera árnũ áhrimi. Eropirã masa ãgũ gosesirirogue ejamasibeamã. Eropigũ masa erã ne ñabigũ áhrimi. Eropirã dohpague sãre ãgũre ñabeamã. ãgũ eropa árnũgũre umupeorã. Eropirã árnpehrerinũri “Turagũ áhrimi ãgũ,” arĩã ãgũre. Eropa ta iirã.

17 Eropigũ i yeba majarãre doberi oparãre ðpa arĩ doreque mũhũ: “Gajirãre tarinũgaa yũhũ,” ne arĩ pepibiricãporo. Erã doberi erã opari pehrea waroca. Eropirã “Yũhũ wũaro opari mera ðaro árnũgũca,” arĩ pepibiricãporo. “Goãmũ yapũ mera ðaro árnũgũca,” arĩ pepiporo. Árnpehreri diaye ta mari gameripũre ogũ áhrimi ãgũ Goãmũ. ãgũpũre umupeoturaporo erã doberi oparã.

<sup>18</sup> Eropirã erã õaripũre iiporo õarire erã iirã árĩboro dopa. Eropirã erã oparire mojomorocũrãre orã árĩporo.

<sup>19</sup> Erã eropiicũ umũsigue Goãmũ pohrogue erã ya árĩroca. Erogue árĩcũ iri ne pehresome. Eropirã erogue õaro árĩniguicãrãcoma erã.

*Pablo Timoteore doretupũ*

<sup>20</sup> Mahgũ, mũre Goãmũ ãgũ apirare ãgũ buhedorerare duhubita. Yujurãyeri masa Goãmũre gamebirã iro dopa ta gũyarire, pee masibirã ya buherire wereniguima. Eropa wereniguirã “Õaro masirã buheri ãhraa,” arĩrima erã. Eropa erã wereniguirire peenũrũbircãque.

<sup>21</sup> Gajirã yujurãyeri erã wereniguirire peenũrũrã Cristo ya buheripũre cóãcãma.

Goãmũ ãgũ mahiri mera mũre turaro õadorea. Eropa ta árĩniguicãporo. Iripẽta ãhraa.

## **Desano**

### **Desano: Goñmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025

17771afc-c309-57fd-9ff3-2d5a0cd59ff1